

四部備要

中華書局輯刊

四部備要

第二〇冊

中華書局
影印
中國書店

本書據中華書局1936年版影印

四 部 備 要

(第二〇冊)

中華書局編

*

中華書局出版

(北京王府井大街36號)

中華書局影印發行
中國書店

國防科工委印刷廠印刷

*

787×1092毫米 1/16 97.25 印張

1989年3月第1版 1989年3月北京第一次印刷

印數 0001~500 冊

(100)

宋書目錄

梁

沈

約

撰

帝紀十

志三十

列傳六十

凡一百卷

帝紀

宋書卷一

帝紀第一

武帝上

宋書卷二

帝紀第二

武帝中

宋書卷三

帝紀第三

武帝下

宋書卷四

帝紀第四

少帝

宋書卷五

帝紀第五

文帝

宋書卷六

帝紀第六

孝武帝

宋書卷七

帝紀第七

前廢帝

宋書卷八

帝紀第八

明帝

宋書卷九

帝紀第九

後廢帝

宋書卷十

帝紀第十

順帝

志

宋書卷十一

志第一

志序

宋書卷十二

志第二

曆上

宋書卷十三

志第三

曆下

宋書卷十四

志第四

禮一

宋書卷十五

志第五

禮二

宋

書目錄

宋書目錄

宋書卷十六

志第六

禮三

宋書卷十七

志第七

禮四

宋書卷十八

志第八

禮五

宋書卷十九

志第九

樂一

宋書卷二十

志第十

樂二

宋書卷二十一

志第十一

樂三

宋書卷二十二

志第十二

樂四

宋書卷二十三

志第十三

天文一

宋書卷二十四

志第十四

天文二

宋書卷二十五

志第十五

天文三

宋書卷二十六

志第十六

天文四

宋書卷二十七

志第十七

符瑞上

宋書卷二十八

志第十八

符瑞中

宋書卷二十九

志第十九

符瑞下

宋書卷三十

志第二十

五行一

宋書卷三十一

志第二十一

五行二

宋書卷三十二

志第二十二

五行三

宋書卷三十三

志第二十三

五行四

宋書卷三十四

志第二十四

五行五

宋書卷三十五

志第二十五

州郡一

揚州

南兖州

宋書卷三十六

志第二十六

州郡二

南豫州

江州

冀州

宋書卷三十七

志第二十七

州郡三

荊州

湘州

梁州

宋書卷三十八

志第二十八

州郡四

益州

廣州

越州

宋書卷三十九

志第二十九

百官上

宋書卷四十

志第三十

百官下

列傳

宋書卷四十一

列傳第一

后妃

孝穆趙皇后

武敬滅皇后

少帝司馬皇后

文路淑媛

前廢帝何皇后

明恭王皇后

順陳太妃

宋書卷四十二

列傳第二

劉穆之

宋書卷四十三

列傳第三

徐羨之

檀道濟

交州

孝懿蕭皇后

武張夫人

文元袁皇后潘淑妃

孝武文穆王皇后宣貴妃

文沈婕妤

後廢帝江皇后

順謝皇后

王弘

傅亮

宋書目錄

宋書卷四十四

列傳第四

胡藩
劉康祖
張興世

謝晦

宋書卷四十五

列傳第五

臨川烈武王道規鮑照

王鎮惡

檀紹

向靖

劉懷慎

劉粹

宋書卷四十六

列傳第六

王誕

趙倫之

到彥之關

王懿

張劭

宋書卷四十七

列傳第七

孟懷玉弟龍符

劉懷肅

檀祗

劉敬宣

宋書卷四十八

列傳第八

毛修之

朱齡石弟超石

傅弘之

宋書卷四十九

列傳第九

蒯恩

孫處

虞丘進

劉鍾

宋書卷五十

列傳第十

虞丘進

胡藩

垣護之

宋書卷五十一

列傳第十一

宗室

長沙景王道憐

營浦侯遵考從子

宋書卷五十二

列傳第十二

庾悅

謝景仁弟述

褚叔度

宋書卷五十三

列傳第十三

張茂度子承

謝方明

宋書卷五十四

列傳第十四

孔季恭

沈曇慶

宋書卷五十五

列傳第十五

臧焘

傅隆

宋書卷五十六

列傳第十六

徐廣

羊玄保

江夷

袁湛弟豹

庾登之弟炳之

謝瞻

孔琳之

宋書卷五十七

列傳第十七

蔡廓子與宗

宋書卷五十八

列傳第十八

王惠

謝弘微

王球

宋書卷五十九

列傳第十九

殷淳子季弟冲

張暘

何偃

江智淵

宋書卷六十

列傳第二十

范泰

王准之

王韶之

荀伯子

宋書卷六十一

列傳第二十一

武三王

廬陵孝獻王義真

江夏文獻王義恭

衡陽文王義季

宋書卷六十二

列傳第二十二

羊欣

張敷

王微

宋書卷六十三

列傳第二十三

王華

王曇首

殷景仁

沈演之

宋書卷六十四

列傳第二十四

鄭鮮之

裴松之

何承天

宋書卷六十五

列傳第二十五

吉翰

劉道產

杜驥

申恬

宋書卷六十六

列傳第二十六

王敬弘

何尚之

宋書卷六十七

列傳第二十七

謝靈運

宋書卷六十八

列傳第二十八

武二王

彭城王義康

南郡王義宣

宋書卷六十九

列傳第二十九

劉湛

范曄

宋書卷七十

列傳第三十

袁淑

宋書卷七十一

列傳第三十一

徐湛之

江湛

王僧綽

宋書卷七十二

列傳第三十二

文九王

南平穆王鐸

建平宣簡王宏

晉熙王昶

始安王休仁

晉平刺王休祐

鄱陽哀王休業

臨慶冲王休倩

新野懷王夷父

巴陵哀王休若

宋書卷七十三

列傳第三十三

顏延之

宋書卷七十四

列傳第三十四

臧質

魯爽

宋書卷七十五

列傳第三十五

王僧達

顏竣

宋書卷七十六

列傳第三十六

朱修之

宗慤

王玄謨

宋書卷七十七

列傳第三十七

柳元景

顏師伯

沈慶之

宋書卷七十八

列傳第三十八

蕭思話

劉延孫

宋書卷七十九

列傳第三十九

文五王

竟陵王誕

廬江王瑋

武昌王渾

桂陽王休範

宋書卷八十

列傳第四十

孝武十四王

豫章王子尚

晉安王子勛

松滋侯子房

臨海王子頊

始平孝敬王子鸞

永嘉王子仁

始安王子真

邵陵王子元

淮南王子孟

晉陵孝王子雲

南海哀王子師

淮陽思王子齊

東平王子嗣

武陵王贊

宋書卷八十一

列傳第四十一

劉秀之

顧琛

顧凱之

宋書卷八十二

列傳第四十二

周朗

沈懷文

宋書卷八十三

列傳第四十三

宗越

吳喜

黃回

宋書卷八十四

列傳第四十四

鄧琬

袁顥

孔顥

宋書卷八十五

列傳第四十五

謝莊

王景文

宋書卷八十六

列傳第四十六

殷孝祖

劉勔

宋書卷八十七

列傳第四十七

蕭惠開

殷琰

宋書卷八十八

列傳第四十八

薛安都

沈文秀

崔道固

宋書卷八十九

列傳第四十九

袁粲

宋書卷九十

列傳第五十

明四王

邵陵殤王友

隨陽王翽

新興王暕

始建王禧

宋書卷九十一

列傳第五十一

孝義

龔穎

劉瑜

郭世道

嚴世期

吳達

潘綜

孫法宗

蔣恭

張進之

許昭先

余齊民

孫棘

何子平

宋書卷九十二

列傳第五十二

良吏

王鎮之

杜慧度

徐豁

陸徽

阮長之

江秉之

王歆之

宋書卷九十三

列傳第五十三

陳造

戴頤

周續之

阮萬齡

劉凝之

翟法賜

宗彧之

郭希林

朱百年

劉睦之

宋書卷九十四

列傳第五十四

恩倖

戴法興

徐爰

于天寶

姜產之

王道隆

宋書卷九十五

列傳第五十五

索虜

宋書卷九十六

列傳第五十六

宋書卷九十七

宗炳

王弘之

孔淳之

龔祈

陶潛

沈道虔

雷次宗

王素

關康之

戴明寶

阮佃夫

壽寂之

李道兒

楊運長

吐谷渾

列傳第五十七

夷蠻

南夷

西南夷

瑩皇國

闍婆達國

天竺迦毗黎國

百濟國

荊離州蠻

宋書卷九十八

列傳第五十八

氐胡

胡大且渠蒙遜

宋書卷九十九

列傳第五十九

二凶

元凶弼

宋書卷一百

列傳第六十

自序

宋書目錄

扶南國

呵羅軍國

瑩達國

師子國

東夷高句麗國

倭國

豫州蠻

張掖

始興王濬

宋書卷一

梁

沈

約

撰

本紀第一

武帝上

高祖武皇帝諱裕字德興小名寄奴彭城縣綏里人漢高帝弟楚元王交之後也交生紅懿侯富富生宗正辟疆辟疆生陽城侯德德生陽城節侯安民安民生陽城釐侯慶慶生陽城肅侯岑岑生宗正平平生東武城令某某生東萊太守景景生明經洽洽生博士弘弘生琅邪都尉愷愷生魏定襄太守某某生邪城令亮亮生晉北平太守廣廣生相國掾熙熙生開封令旭孫旭孫生混始過江居晉陵郡丹徒縣之京口里官至武原令混生東安太守靖靖生郡功曹翹是爲皇考高祖以晉哀帝與寧元年歲次癸亥三月壬寅夜生及身長七尺六寸風骨奇特家貧有大志不治廉隅事繼母以孝謹稱初爲冠軍孫無終司馬安帝隆安三年十一月妖賊孫恩作亂於會稽晉朝衛將軍謝琰前將軍劉牢之東討牢之請高祖參府軍事十二月牢之至吳而賊緣道屯結牢之命高祖與數十人覘賊遠近會遇賊至衆數千人高祖便進與戰所將人多死而戰意方厲手奮長刀所殺傷甚衆牢之子敬宣疑高祖淹久恐爲賊所困乃輕騎尋之既而衆騎並至賊乃奔退斬獲千餘人摧鋒而進平山陰恩遁還入海四年五月恩復入會稽殺衛將軍謝琰十一月劉牢之復率衆東征恩退走牢之屯上虞使高祖戍句章城句章城既卑小戰士不盈數百人高祖常被堅執銳爲士卒先每戰輒摧鋒陷陣賊乃退還浹口于時東伐諸帥御軍無律士卒暴掠甚爲百姓所苦唯高祖法令明整所至莫不親賴焉五年春孫恩頻攻句章高祖屢摧破之恩復走入海三月恩北出海鹽高祖追而翼之築城于海鹽故治賊日來攻城城內兵力甚弱高祖乃選敢死之士數百人咸脫甲冑執短兵並鼓噪而出賊震懼奪氣因其懼而奔之並棄甲散走斬其大帥姚威雖連戰尅勝然衆寡不敵高祖獨深慮之一夜偃旗匿衆若已遁者明晨開門使羸疾數人登城賊遙問劉誰所在曰夜已走矣賊信之乃率衆大上

高祖乘其懈怠奮擊大破之恩知城不可下乃進向滬渚高祖復棄城追之海鹽令鮑陋遣子嗣之以吳兵一千請爲前驅高祖曰賊兵甚精吳人不習戰若前驅失利必敗我軍可在後爲聲援不從是夜高祖多設伏兵兼置旗鼓然一處不過數人明日賊率衆萬餘迎戰前驅既交諸伏皆出擊旗鳴鼓賊謂四面有軍乃退嗣之追奔爲賊所沒高祖且戰且退賊感所領死傷且盡高祖慮不免至向伏兵處乃止令左右脫取死人衣賊謂當走反停疑猶有伏高祖因呼更戰氣色甚猛賊衆以爲然乃引軍去高祖徐歸然後散兵稍集五月孫恩破滬渚殺吳國內史袁山松死者四千人是月高祖復破賊於婁縣六月恩乘勝浮海奄至丹徒戰士十餘萬劉牢之猶屯山陰京邑震動高祖倍道兼行與賊俱至千時衆力既衰加以步遠疲勞而丹徒守軍莫有鬪志恩率衆數萬鼓噪登蒜山居民皆荷櫓而立高祖率所領奔擊大破之投轍赴水死者甚衆恩以鼓排敗自載僅得還船雖被摧破猶恃其衆力徑向京師樓船高大值風不得進旬日乃至白石尋知劉牢之已還朝廷有備遂走向鬱洲八月以高祖爲建武將軍下邳太守領水軍追恩至鬱洲復大破恩南走十一月高祖追恩於滬渚及海鹽又破之三戰並大獲俘馘以萬數恩自是饑饉疾疫死者大半自浹口奔臨海元興元年正月驃騎將軍司馬元顯西伐荊州刺史桓玄玄亦率荆楚大衆下討元顯元顯遣鎮北將軍劉牢之拒之高祖參其軍事次溧洲玄至高祖請擊之不許將遣子敬宣詣玄請和高祖與牢之甥東海何無忌並固請不從遂遣敬宣詣玄玄尅京邑殺元顯以牢之爲會稽內史懼而告高祖曰便奪我兵禍其至矣今當北就高雅於廣陵舉事卿能從我去乎答曰將軍以勁卒數萬望風降服彼新得志威震天下三軍人情都已去矣廣陵豈可得至邪諱當反復還京口耳牢之叛走自縊死何無忌謂高祖曰我將何之高祖曰鎮北去必不免卿可隨我還京口桓玄必能守節北面我當與卿事之不然與卿圖之今方是玄矯情任算之日必將用我輩也桓玄從兄修以撫軍鎮丹徒以高祖爲中兵參軍軍都如故孫恩自奔敗之後徒旅漸散懼生見獲乃於臨海投水死餘衆推恩妹夫盧循爲主桓玄欲且緝軍東土以循爲永嘉太守循

雖受命而寇暴不已。五月，玄復遣高祖東征，時循自臨海入東陽。二年正月，玄復遣高祖破循於東陽，循奔永嘉，復追破之，斬其大帥張士道，追討至于晉安，循浮海南走。六月，加高祖彭城內史，桓玄爲楚王，將謀篡盜，玄從兄衛將軍謙屏人問高祖曰：「楚王勳德隆重，四海歸懷，朝廷之情，咸謂宜有揖讓，卿意以爲何如？」高祖既志欲圖玄，乃遜辭答曰：「楚王宣武之子，勳德蓋世，晉室微弱，民望久移，乘運禪代，有何不可？」謙喜曰：「卿謂可爾，便當是真可爾。」十二月，桓玄篡帝位，遷天子於尋陽，桓修入朝，高祖從至京邑，玄見高祖，謂司徒王謐曰：「昨見劉裕風骨不恆，蓋人傑也，每遊集輒引接，慰贈甚厚，高祖愈惡之，或說玄曰：『劉諱龍行虎步，視瞻不凡，恐不爲人下，宜蚤爲其所。』玄曰：『我方欲平蕩中原，非劉裕莫可付以大事，關隴平定，然後當別議之耳。』玄乃下詔曰：『劉諱以寡制衆，屢摧妖鋒，汎海窮追，十珍其八，諸將力戰，多被重創，自元帥以下，至于將士，並宜論賞以敘勳烈。』先是高祖東征，盧循何無忌隨至山陰，勳於會稽舉義，高祖以爲玄未據極位，且會稽遠，事濟爲難，俟其篡逆事著，徐於京口圖之，不憂不討。至是，桓修還京，高祖託以金創疾，動不堪步從，乃與無忌同船共還，建興復之計。於是與弟道規、沛郡劉毅、平昌孟昶、任城魏詠之、高平檀憑之、琅邪諸葛長民、太原王元德、隴西辛扈、東莞童厚之，並同義謀。時桓修弟弘爲征虜將軍，青州刺史，鎮廣陵，道規爲弘中兵參軍，昶爲州主簿，乃命毅潛往就昶，聚徒於江北，謀起兵殺弘，長民爲豫州刺史，刁遠左軍府參軍，謀據歷陽相應。元德厚之謀於京邑，聚衆攻玄，並討期齊發。三年二月己丑朔乙卯，高祖託以遊獵，與無忌等收集義徒，凡同謀何無忌、魏詠之、詠之弟欣之、順之、檀憑之、憑之從子韶、弟祗隆、與叔道濟、道濟從兄範之、高祖弟道憺、劉毅毅從弟藩、孟昶昶族弟懷玉、河內向彌、管義之、陳留周安穆、臨淮劉蔚、從弟珪之、東莞臧喜、從弟寶符、從子穆生、童茂宗、陳郡周道民、漁陽田演、譙國范曄等，二十七人願從者百餘人。丙辰詰旦，城開，無忌服詔，服稱居前，衆衆馳入，齊聲大呼，吏士驚散，莫敢動，即斬修以徇。高祖哭甚慟，厚加殯斂，孟昶勸弘其日出獵，未明開門出獵，人犯道規殺等率壯士五六百人，因開門直入弘方噉粥，即斬之，因收衆

濟江，義軍初討京城，修司馬刁弘率文武佐吏來赴，高祖登城謂之曰：「郭江州已奉乘輿反正於尋陽，我等並被密詔，誅除逆黨，同會今日，賊玄之首已當巢於大航矣。諸君非大晉之臣乎？今來欲何爲？弘等信之，收衆而退，毅既至高祖，命誅弘，毅兄邁先在京師，事未發數日，高祖遣同謀周安穆報之，使爲內應，邁外雖酬許，內其震懼，安穆見其惶駭，慮事必泄，乃馳歸時玄以邁爲竟陵太守，邁不知所爲，便下船欲之郡，是夜，玄與邁書曰：『北府人情云何？卿近見劉諱何所道？』邁謂玄已知其謀，晨起白之，玄驚懼，封邁爲重安侯，既而廉邁不執安穆，使得逃去，乃殺之，誅元德、扈與厚之等，召桓謙、卞範之等，謀拒高祖，謙等曰：「逆遣兵擊之，玄曰：『不然，彼兵銳銳計出萬死，若行遣水軍，不足相抗，如有蹉跌，則彼氣成而吾事敗矣。』不如屯大衆於覆舟山以待之，彼空行二百里，無所措手，銳氣已挫，既至，忽見大軍，必驚懼駭愕，我衆兵堅陣，勿與交鋒，彼求戰不得，自然走散，此計之上也。」謙等固請，乃遣頓丘太守吳甫之、右衛將軍皇甫敷北拒義軍，玄自聞軍起，憂懼無復爲計，或曰：「劉諱等衆力甚弱，豈辦之有成？」陛下何慮之甚？玄曰：「劉諱足爲一世之雄，劉毅家無擔石之儲，擇補一擲百萬，何無忌劉牢之甥，酷似其舅，共舉大事，何謂無成？衆推高祖爲盟主，移檄京邑曰：『夫治亂相因，理不常泰，狡焉肆虐，或值聖明，自我大晉，陽九屢構，隆安以來，難結星室，忠臣碎於虎口，貞良斃於豺狼，逆臣桓玄、陵虐人鬼，阻兵荆郢，肆暴都邑，天未亡難，凶力繁興，踰年之間，遂傾皇祚，主上播越，流幸非所，神器沉淪，七廟毀墜，夏后之懼，泥塗有漢之遺，莽卓方之於玄，未足爲喻，自玄篡逆，于今歷年，亢旱彌時，民無生氣，加以士庶疲於轉輸，文武困於造築，父子乖離，室家分散，豈唯大東有杆軸之悲，操梅有傾筐之怨而已哉？仰觀天文，俯察人事，此而能久，孰有可亡？凡在有心，誰不扼腕，謙等所以叩心泣血，不遑啓處者也，是故夕寐宵興，援獎忠烈，潛構崎嶇，險過履虎，輔國將軍劉毅、廣武將軍何無忌、鎮北主簿孟昶、兖州主簿魏詠之、軍還將軍劉道規、龍驤將軍劉藩、振威將軍檀憑之等，忠烈斷金，精貫白日，荷戈奮袂，志在畢命，益州刺史毛璩、萬里齊契、掃定荆楚、江州刺史郭昶之、奉迎主上，宮于尋陽，鎮北參軍王元德等，並率部曲，保據

石頭揚武將軍諸葛長民收集義士已據歷陽征廣參軍庾曠之等潛相連結以爲內應同力協規所在蜂起即日斬僞徐州刺史安城王修青州刺史弘首義衆既集文武爭先咸謂不有一統則事無以輯諱辭不獲已遂總軍要席上憑祖宗之靈下籌義夫之力竊誠通逆蕩清京輦公侯諸君或世樹忠貞或身荷爵寵而並俛眉睂豎自効莫由顧瞻周道軍不弔乎今日之舉良其會也諱以虛薄才非古人接勢於已替之機受任於既頹之運丹誠未宣感慨憤躍望霄漢以永懷眺山川以增厲授檄之日神馳賊廷以孟昶爲長史總攝後事檀憑之爲司馬百姓願從者千餘人三月戊午朔遇吳甫之於江乘甫之玄驍將也其兵甚銳高祖躬執長刀大呼以衝之衆皆披靡即斬甫之進至羅落橋皇甫數率數千人逆戰寧遠將軍檀憑之與高祖各御一隊憑之戰敗見殺其衆退散高祖進戰彌厲前後奮擊應時摧破即斬數首初高祖與何無忌等共建大謀有善相者相高祖及無忌等並當大貴其應甚近惟云憑之無相高祖與無忌密相謂曰吾等既爲同舟理無偏異吾徒皆咸富貴則檀不應獨殊深不解相者之言至是而憑之戰死高祖知其事必捷玄闇數等並沒愈懼使桓謙屯東陵口卞範之屯覆舟山西衆合二萬已未旦義軍食畢棄其餘糧進至覆舟山東使巧士張旗幟於山上以爲疑兵玄又遣武騎將軍庾綽之配以精卒利器助謙等高祖躬先士卒以奔之將士皆殊死戰無不一當百呼聲動天地時東北風急因命縱火烟燭張天鼓噪之音震京邑謙等諸軍一時土崩玄始雖遣軍置陣而走意已決別使領軍將軍殷仲文具舟於石頭仍將子姪浮江南走庾申高祖鎮石頭城立留臺總百官焚桓溫神主於宣陽門外造晉斷王立千太廟遣諸將帥追玄尙書王假率百官奉迎乘輿司徒王謚與衆議推高祖領揚州固辭乃以謚爲錄尙書事領揚州刺史於是推高祖爲使持節都督揚徐兗豫青冀幽并八州諸軍事領軍徐州刺史先是朝廷承晉氏亂政百司縱弛桓玄雖欲釐整而衆莫從之高祖以身範物先以威禁內外百官皆肅然奉職二三日間風俗頓改且桓玄雖以雄豪見推而一朝便有極位晉氏四方牧守及在朝大臣盡心伏事臣主之分定矣高祖位微於朝衆無一旅奮

臂草萊之中倡大義以復皇祚由是王謚等諸人時衆民望莫不愧而憚諸葛長民失期不得發刁遠執送之未至而玄敗玄經尋陽江州刺史郭昶之備乘輿法物資之玄收略得二千餘人挾天子走江陵冠軍將軍劉毅輔國將軍何無忌振武將軍劉道規率諸軍追討尙書左僕射王愉愉子荊州刺史綏等江左冠族綏少有重名以高祖起自布衣甚相凌忽綏桓氏甥亦有自疑之志高祖悉誅之四月奉武陵王遵爲大將軍承制大赦天下唯桓玄一祖後不在赦例初高祖家貧書負刁遠社錢三萬經時無以還遠執錄其嚴王謚遣遠見之密以錢代還由是得釋高祖名微位薄感流皆不與相知唯謚交焉桓玄將篡謚手解安帝璽綬爲玄佐命功臣及義旗建衆並謂謚宜誅唯高祖保持之劉毅書因朝會問謚璽綬所在謚益懼及王愉父子誅謚從弟誡謂謚曰王駒無罪而義旗誅之此是翦除勝己以絕民望兄既桓氏黨附名位如此欲求免得乎駒愉小字也謚懼奔于曲阿高祖賤白大將軍深相保證迎還復位光祿勳丁承之左衛將軍稽瑩游擊將軍司馬秀役使官人爲御史中丞王積之所糾察謝朓言辭怨憤承之造司宜臧高祖與大將軍殷白榮等備位大臣所懷必盡執憲不允自應據理陳訴而橫與怨忿歸咎有司宜加裁當以清風軌並免官桓玄兒子韶聚衆向歷陽高祖命輔國將軍諸葛長民擊走之無忌道規破玄大將鄭鈐等于桑落洲衆軍進據尋陽加高祖都督江州諸軍事玄既還荊郢大衆兵衆召水軍造樓船器械率衆二萬拔天子發江陵浮江東下與冠軍將軍劉毅等相遇於嶧嶧洲衆驚下擊大破之玄棄衆復拔天子還復江陵玄黨殷仲文奉晉二皇后還京師玄至江陵因西走南郡太守王騰之荊州別駕王康產率天子入南郡府初征虜將軍益州刺史毛璩遣從孫祐之與參軍費恬送弟喪州下有衆二百璩弟于修之時爲玄屯騎校尉誘玄以入蜀至枚回洲恬與祐之迎射之益州督護馮遷斬玄首傳京師又斬玄子昇於江陵市初玄敗於嶧嶧洲義軍以爲大事已定追躡不速玄死幾旬衆軍猶不至玄從子振逃於華容之浦中招聚逆黨數千人屢襲江陵城居民就出赴之騰之康產皆被殺桓謙先匿於沮川亦聚衆以應振爲玄舉哀立喪廷議率衆官奉

置綬于安帝。無忌道規既至江陵。與桓振戰于靈溪。玄黨馮該。又設伏于楊林。義軍奔敗。退還尋陽。兗州刺史辛景懷貳。會北青州刺史劉該反。禹求征該。次淮陰。又反。禹長史羊穆之。斬禹傳首京師。十月。高祖領青州刺史甲仗百人入殿。劉毅諸軍復進至夏口。毅攻魯城。道規攻偃月壘。皆拔之。十二月。諸軍進平巴陵。義熙元年正月。毅等至江津。破桓謙桓振。江陵平。天子反正。三月。天子至自江陵。詔曰。古稱大者天地。其次君臣。所以列置三辰。神人代序。諒理本於造昧。而運周於萬葉。故盈否時變。四靈通其變。王道或昧。貞賢拯其危。天命所以承固。人心所以攸移。雖夏周中傾。賴靡申之績。恭倫載寶。實二代是維。或乘資藉號。或業隆異世。猶詩書以之休詠。記策用爲美談。未有因心撫民。而誠發理應。援神器於已淪。若在今之盛者也。朕以寡昧。遭家不造。越自違閑。屬當屯極。逆臣桓玄。乘豐繼隱。窮凶恣虐。滔天猾夏。遂誣罔人神。肆其篡亂。祖宗之基。既湮。七廟之饗。胥殄。若隆淵谷。未足斯譬。皇度有晉。天縱英哲。使持節都督楊徐兗豫青冀幽并江九州諸軍事鎮軍將軍徐青二州刺史忠誠天亮神武命世用能貞明協契。義夫饗臻。故順聲一唱。二溟卷波。英風振旅。宸居清靜。暨冠軍將軍毅輔國將軍無忌。振武將軍道規。舟旗端邁。而元凶傳首。回戈疊揮。則荆漢霧廓。俾宣元之祚。永固於萬世。傾基重造。再集於朕躬。宗廟歆七百之祐。皇基融載新之命。念功惟德。永言銘懷。固已道冠開闢。獨絕終古。書契以來。未之前聞矣。雖則功高靡尚。理至難文。而崇庸命德。哲王攸先。將以弘道制治。深關盛衰。故伊望膺殊命之錫。桓文饗備物之禮。况宏徵不世。顯邁百代者。宜極名器之隆。以光大國之盛。而鎮軍謙虛自貶。誠旨屢顯。朕重逆仲父。乃所以愈彰德美也。鎮軍可進位侍中車騎將軍。都督中外諸軍事。使持節徐青二州刺史。如故顯祚大邦。啓茲疆宇。高祖固讓。加錄尚書事。又不受。屢請歸藩。天子不許。遣百僚敦勸。又親幸公第。高祖惶懼。詣闕陳請。天子不能奪。是月。旋鎮丹徒。天子重遣大使敦勸。又不受。乃改授都督荆司梁益寧雍涼七州。并前十六州諸軍事。本官如故。於是受命解青州。加領兗州刺史。盧循浮海破廣州。獲刺史吳隱之。即以循爲廣州刺史。以其同黨徐道覆爲始興相。二年三月。督交廣二

州。十月。高祖上言曰。昔天禍皇室。巨狡縱篡。臣等義惟舊隸。豫蒙國恩。仰契信順之符。俯厲人臣之憤。雖社稷之靈。抑亦事由衆濟。其翼擬忠嚴之佐。文武畢力之士。數執在己之謙。用虧國體之大。輒攝衆軍。先上同謀。起義始平京口廣陵二城。臣及撫軍將軍毅等二百七十二人。并後赴義。出都緣道大戰。所餘一千五百六十六人。又輔國將軍長民。故給事中王元德等十人。各一千八百四十八人。乞正封賞。其西征衆軍。須論集續上。於是尙書奏封唱義謀主鎮軍將軍諱豫章郡公食邑萬戶。賜絹三萬匹。其餘封賞各有差。鎮軍府佐吏。降故太傅謝安府一等。十一月。天子重申前令。加高祖侍中。進號車騎將軍。開府儀同三司。固讓。詔遣百僚敦勸。三年二月。高祖還京師。將詣廷尉。天子先詔獄官不得受。詣闕陳讓。乃見聽。旋于丹徒。閏月。府將駱冰謀作亂。將被執。單騎走。追斬之。誅冰父永嘉太守球。球本東陽郡史。孫恩之亂。起義於長山。故見擢用。初。桓玄之敗。以桓冲忠貞。署其孫胤。至是。冰謀以胤爲主。與東陽太守殷仲文。潛相連結。乃誅仲文。及仲文二弟。凡桓玄餘黨。至是皆誅夷。天子遣兼大常葛籍授公策曰。有扈滔天。夷羿乘釁。亂節干紀。實挽皇極。賊臣桓玄。怙寵肆逆。乃推傾華霍。倒拔嵩岱。五嶽既夷。六地易所。公命世英縱。藏器待時。因心資敬。誓雪國恥。慨憤陵夷。誠發宵寐。既而歲月屢遷。神器已遠。忠孝幽寄。實貫三靈。爾乃介石勝機。宣契畢舉。訴蒼天以爲正。揮義旅而一驅。奔鋒數百。勢烈激電。百萬不能抗限。制路日直。植城遂使衝鯨。潰流暴鱗。奔漢廟勝。遠加重氣。載絳二儀。廓清三光。反照事遂永代。功高開闢。理微稱謂。義感朕心。若夫道爲身濟。猶廢厥爵。况乃賊德俱深。勳冠天人者乎。是用建茲邦國。永祚山河。言念載懷。匪云足報。往欽哉。俾屏余一人。長弼皇晉。流風垂祚。曜烈無窮。其降承嘉策。對敷朕命。十二月。司徒錄尚書揚州刺史王謐薨。四年正月。徵公入輔。授侍中車騎將軍。開府儀同三司。揚州刺史。錄尚書。徐兗二州刺史。如故。表解兗州。先是遣冠軍劉敬宣伐蜀賊譙縱。無功而返。九月。以敬宣挫退。遜位不許。乃降爲中軍將軍。開府如故。初。僞燕主鮮卑慕容德。僭號於青州。德死。兄子超襲位。前後屢爲邊患。五年二月。大掠淮北。執陽平太守劉千載。濟南太守趙元。驅略千餘家。三月。

公抗表北討以丹陽尹孟昶監中軍留府事四月舟師發京都所淮入泗五月至下邳留船艦輜重步軍進現邪所過皆築城留守鮮卑梁父莒城二戍並奔走慕容超聞王師將至其大將公孫五樓說超宜斷據大峴刈除粟苗堅壁清野以待之彼僑軍無資求戰不得旬月之間折樵以答之耳超不從曰彼遠來疲勞勢不能久但當引令過峴我以鐵騎蹙之不憂不破也豈有預發苗稼先自蹙弱邪初公將行議者以爲賊聞大軍遠出必不敢戰若不斷大峴當堅守廣固刈粟清野以絕三軍之資非唯難以有功將不能自反公曰我揣之熟矣鮮卑食不及遠計進利尅復退惜粟苗謂我孤軍遠入不能持久不過進據臨朐退守廣固我一得入峴則人無退心驛必死之衆向懷貳之慮何憂不剋彼不能清野固守爲諸君保之公既入峴舉手指天曰吾事濟矣六月慕容超遣五樓及廣軍王賀賴盧先據臨朐城既聞大軍至留羸老守廣固乃悉出臨朐有巨蔑水去城四十里超告五樓曰急往據之晉軍得水則難擊也五樓馳進龍驤將軍孟龍符領騎居前奔往爭之五樓乃退衆軍步進有車四千兩分車爲兩翼方軌徐行車悉張幔御者執稍又以輕騎爲遊軍軍令嚴肅行伍齊整未及臨朐數里賊鐵騎萬餘前後交至公命兗州刺史劉藩弟并州刺史道憐諮議參軍劉敬宣陶延壽參軍劉懷玉慎仲道索邈等齊力擊之日向晨公道牙旗悉虞超輜重超聞臨朐已拔引衆走公親鼓之賊乃大破超遁還廣固獲超馬偽驁玉璽豹尾等送于京師斬其大將段暉等十餘人其餘斬獲千計明日大軍進廣固即屠大城超退保小城於是設長圍圍守之圍高三丈外穿三重塹停江淮轉輸館穀於齊土撫納降附華戎歡悅援才授爵因而任之七月詔加公北青冀二州刺史超大將垣邈遣弟苗並率衆歸順公方治攻具城上人曰汝不得張綱何能爲也綱者超僞尚書郎其人有巧思會超遣綱稱藩於姚興乞師請救與僞許之而實憚公不敢遣綱從長安還泰山太守申宣執送之乃升綱於樓上以示城內城內莫不失色於是使綱大治攻具超求救不獲綱反見虜轉憂懼乃請稱藩求割大峴爲界獻馬千疋不聽圍之轉急河北居民

荷戈負糧至者日以千數錄事參軍劉穆之有經略才具公以爲謀主勸止必諮焉時姚興遣使告公云慕容見與隣好又以窮告急今當遣鐵騎十萬運據洛陽晉軍若不退者便當遣鐵騎長驅而進公呼與使答曰語汝姚興我定燕之後息甲三年當平關洛今能自送便可速來穆之聞有羌使馳入而公發遣已去以與所言并答具語穆之穆之尤公曰常日事無大小必賜與謀之此宜善詳之云何卒爾便答公所答與言未能威敵正足怒彼耳若燕未可拔羌救奄至不審何以待之公笑曰此是兵機非卿所解故不語耳夫兵貴神速彼若審能遣救必畏我知寧容先遣信命此是其見我伐燕內已懷懼自張之辭耳九月進公太尉中書監固讓爲徐州刺史段宏先奔索虜十月河北歸順張綱治攻具成設諸奇巧飛樓木幔之屬莫不畢備城上火石弓矢無所用之六年二月丁亥屠廣固超踰城走征虜賊曹奮獲之殺其亡命以下納口萬餘馬二千疋送超京師斬于建康市公之北伐也徐道覆仍有關關之志勸盧循乘虛而出循不從道覆乃至番禺說循曰本住嶺外豈以理極於此正以劉公難與爲敵故也今方領兵堅城之下未有旋日以此思歸死士掩襲何劉之徒如反掌耳不乘此機而保一日之安若平齊之後小息甲養衆不過一二年間必璽書徵君若劉公自率衆至豫章遣銳師過嶺雖復將軍神武恐必不能當也今日之機萬不可失既剋都邑傾其根本劉公雖還無能爲也循從之乃率衆過嶺是月寇南康廬陵豫章諸郡守皆委任奔走于時平齊問未至即馳使徵公公之初剋齊也欲停鎮下邳清盪河洛既而被徵使至即日班師鎮南將軍何無忌與徐道覆戰于豫章敗績無忌被害內外震駭朝廷欲奉輿北走就公尋知賊定未至人情小安公至下邳以船運輜重自率精銳步歸至山陽聞無忌被害則慮京邑失守乃卷甲兼行與數十人至淮上問行旅以朝廷消息人曰賊尚未至劉公若還便無所憂也公大喜單船過江逕至京口爰乃大安四月癸未公至京師解嚴息甲撫軍將軍劉毅抗表南征公與毅書曰吾往習擊妖賊曉其變態新獲奸利其鋒不可輕宜須裝嚴畢與弟同舉又遣毅從弟藩往止之毅不從舟師二萬發自姑孰循之初下也使道覆向尋陽自寇湘中

諸郡荊州刺史道規遣軍至長沙爲循所敗逕至巴陵將向江陵道覆聞毅上馳使報循曰毅兵衆甚盛成敗事係之於此宜并力權之若此克捷天下無復事矣根本既定不憂上面不平也循即日發巴陵與道覆連旗而下別有八艘艦九枚起四層高十二丈公以南藩覆沒表送章綬詔不聽五月劉毅敗績于桑落洲棄船步走餘衆不得去者皆爲賊所擒初循至尋陽聞公已還不信也既破毅乃審凱入之問並相視失色循欲退還尋陽進平江陵據二州以抗朝廷道覆謂宜乘勝徑進固爭之疑議多日乃見從毅敗問至內外洶擾于時北師始還多創痍疾病京師戰士不盈數千賊既破江陵二鎮戰士十餘萬舟車百里不絕奔敗還者並聲其雄威孟和諸葛長民懼寇漸逼欲擁天子過江公不聽昶固請不止公曰今重鎮外傾疆寇內逼人情危駭莫有固志若一旦遷動便自瓦解解土崩江北亦豈可得至設令得至不過延日月耳今兵士雖少自足以一戰若其克濟則臣主同休苟厄運必至我當以死衛社稷橫尸廟門遂其由來以身許國之志不能遠竄於草間求活也我既決矣卿勿復言昶恐其不濟乃爲表曰臣諱北討衆並不同唯臣贊諱行計致使疆賊乘間社稷危逼臣之辜也今謹引分以謝天下封表畢乃仰藥而死於是大開募募投身赴義者一同登京城之科發居民治石頭城建牙誠嚴時議者謂宜分兵守諸津要公以爲賊衆我寡若分兵屯則測人虛實且一處失利則沮三軍之心今聚衆石頭隨宜應赴既令賊無以測多少又於衆力不分若徒族轉集徐更論之耳移屯石頭乃柵淮斷查浦既而羣賊大至公策之曰賊若於新亭直進其鋒不可當宜且回避勝負之事未可量也若回泊西岸此成擒耳道覆欲自新亭白石焚舟而上循多疑少決每欲以萬全爲慮謂道覆曰大軍未至孟昶便望風自裁大勢言之自當計日潰亂今決勝負於一朝既非必定之道且殺傷士卒不如按兵待之公于時登石頭城以望循軍初見引向新亭公顧左右失色既而回泊蔡洲道覆猶欲上循禁之自是衆軍轉集修治越城築查浦藥園廷尉三疊皆聚以實衆冠軍將軍劉敬宣屯北郊輔國將軍孟懷玉屯丹陽郡西建武將軍王仲德屯越城廣武將軍劉默屯建陽門外使軍期將軍索邈領鮮卑

具裝虎班突騎千餘匹皆被練五色自淮北至于新亭賊並聚觀咸畏憚之然猶冀京邑及三吳有應之者道十餘艦來拔石頭柵公命神弩射之發輒摧陷循乃止不復攻柵設伏兵於南岸使羣老乘舟艦向白石公憂其從白石步上乃率劉毅諸葛長民北出拒之留參軍徐赤特戍南岸命堅守勿動公既去賊焚查浦步上赤特軍戰敗死沒有百餘人赤特棄餘衆單舸濟淮賊遂率數萬屯丹陽郡公率諸軍馳歸衆憂賊過咸謂公當徑還拒戰公先分軍還石頭衆莫之曉解甲息士洗浴飲食之乃出列陳於南塘以赤特遠處分斬之命參軍諸葛叔度朱齡石率勁勇千餘人過淮羣賊數千皆長刀矛鉞精甲曜日奮躍爭進齡石所領多鮮卑等步稍並結陳以待之賊短兵弗能抗死傷者數百人乃退走會日暮衆亦歸劉毅之敗豫州主簿袁與國反叛據歷陽以應賊琅邪內史魏順之遣將謝寶討斬之與國司馬襲寶順之不救而退公怒斬之順之詠之弟也於是功臣震懼莫敢不用命六月更授公太尉中書監加黃鉞受黃鉞餘固辭以司馬庾悅爲建威將軍江州刺史自東陽出豫章七月庾申羣賊自蔡州南走還屯尋陽道輔國將軍王仲德廣川太守劉鍾河間太守蒯恩追之公還東府大治水軍皆大艦重樓高者十餘丈盧循遣其大將荀林寇江陵桓謙先於江陵奔羌又自羌入蜀僞主譙縱以爲荊州刺史謙及譙福率軍二萬出寇江陵適與林會相去百餘里荊州刺史道規斬謙于枝江破林於江津追至竹町斬之初循之走也公知其必寇江陵登遣淮陵內史索邈領馬軍步道援荊州又遣建威將軍孫季高率衆三千自海道襲番禺江州刺史庾悅至五畝嶠賊遣千餘人據斷嶠道悅前驅鄒陽太守虞丘進攻破之公治兵大辦十月率兖州刺史劉藩軍朔將軍檀韶等舟師南伐以後將軍劉毅監太尉留守府後事皆委焉是月徐道覆率衆三萬寇江陵荊州刺史道規又大破之斬首萬餘級道覆走還益口初公之遣索邈也邈在道爲賊所斷道覆敗後方達自循東下江陵斷絕京邑之問傳者皆云已沒及邈至方知循走循初自蔡州南走留其親黨范崇民五千入高堰百餘戍南陵王仲德等聞大軍且至乃進攻之十一月大破崇民軍焚其舟艦收其散卒循廣州守兵不以海道